

四庫全書

子部

欽定四庫全書

子部

玉機微義卷十三

四

詳校官太醫院吏目_臣周世泰

編修_臣倉聖脈覆勘

總校官知縣_臣繆琪

校對官中書_臣宋枋遠

謄錄監生_臣王宮

欽定四庫全書

玉機微義卷十三

明

徐用誠 原輯

劉純 續增

燥門

結燥附

內經論燥為諸證

諸證枯涸乾勁皴揭皆屬於燥

按此河間論治已詳然當分大便悶結或消渴之類
為裏證皮膚燥澀乾疥爪枯之類為表證而於陽結

陰結氣盛血少痰鬱風熱可得而悉

燥本風熱論

原病式云經曰風熱火同陽也寒燥濕同陰也又燥濕小異也然燥金雖屬秋陰而異于寒濕故反同其風熱也故火熱勝金衰而風生則風能勝濕熱能耗液而反寒陽實陰虛則風熱勝于水濕而為燥也凡人風病多因熱甚而風燥者為其兼化以熱為主也然陽實陰虛而風熱太甚以勝水濕因而成燥肝主于筋而風氣

自甚又燥熱加之液還聚於胸膈則筋太燥也燥金主
於收斂勁切緊濇故為病筋脈勁強緊急而口噤也或
病燥熱太甚而脾胃乾涸成消渴者或風熱燥甚怫鬱
在表而裏氣平者善伸數欠筋脈拘急或時惡寒或筋
惕而搐脈浮數而弦也風熱燥并鬱甚于裏故煩滿而
或悶結也及風癰之發作者由熱甚而風燥為其兼化
涎溢胸膈燥爍而瘰癧昏冒僵仆也凡此諸證皆由熱
甚而生風燥各有異者由風熱燥各微甚不等故也所

謂中風或筋緩者因其風熱勝濕而為燥乃燥之甚也然筋緩不收而痿痺故諸癰鬱病痿皆屬金肺乃燥之化也如秋深燥甚則草木痿落而不收病之象也是以手得血而能握足得血而能步夫燥之為病者血液衰少也而又氣血不能通暢故病然也

論燥熱勝陰

見消渴門

論結燥病本不同

東垣曰金匱真言論云北方黑色入通於腎開竅於二陰藏精於腎又云腎主大便大便難取足少陰夫腎主五液津液潤則大便如常若飢飽勞逸損傷胃氣及食辛熱味厚之物而助火邪伏於血中耗散真陰津液虧少故大便結燥然結燥之病不一有熱燥有風燥有陽結有陰結又有年老氣虛津液不足而結者治法云腎惡燥急食辛以潤之結者散之如少陰不得大便以辛潤之太陰不得大便以苦瀉之陽結者散之陰結者熱

之仲景云小便利大便硬不可攻下以脾約丸潤之食傷太陰腹滿食不化腹響然不能大便者以苦藥瀉之大抵津液耗少而燥者以辛潤之有物而結者當下之若不究其源一槩用巴豆牽牛之類下之損其津液燥結愈甚有復下復結極則以至引導於下而不能通者遂成不救之證可不慎哉

按此只是論結燥言裏證也河間所論則兼表裏而言之矣猶宜以燥熱勝陰相火論諸篇兼看

燥證治法

治風之劑

機要大秦艽湯治血弱陰虛不能養筋筋燥而手足不能運動指爪乾燥屬風熱甚者

方見中風門

按此散風熱養血之劑太陽例藥也

麻仁丸

郁李仁

麻子仁

各一兩
另研

大黃

炒二兩半以一半

山藥

防風

枳殼

炒各七錢半

檳榔 半兩

羌活

木香

各五錢半

右為細末煉蜜丸梧子大每三二丸溫水下

按此手足陽明足太陽經藥表裏之劑氣分藥也

東垣潤腸丸治脾胃中伏火大便秘澁或乾燥秘塞不通全不思食乃風結秘血結秘皆令秘塞也以潤燥和血疏風自然通矣

麻子仁

桃仁

各一兩去皮尖另研

羌活

當歸尾

大黃

煨各半兩

皂角仁

秦艽

各五錢

右除另研外為細末五上火煉蜜丸如桐子大每三
五十丸食前白湯下又有潤燥丸一方於本方加郁

李仁防風是也

按此足太陰手足陽明表裏藥也

治熱之劑

宣明當歸龍膽丸

方見火門

清涼飲子

方見熱門

和血潤下之劑

東垣導滯通幽湯治大便難幽門不通上衝吸門不開
噎塞不便燥閉氣不得下治在幽門以辛潤之

當歸

升麻

桃仁

各一錢
另研

生地黄

熟地黄

各半錢

紅花

炙甘草

各三分

右件作一服水煎調檳榔細末半錢服加大黃名當

歸潤燥湯

元戎四物湯治臟結秘澀者

當歸

熟地黄

川芎

白芍藥

大黃

煨

桃仁

各等分

右㕮咀水煎或為丸服亦得

按此手足厥陰經藥也

子和脾約丸

麻仁

一兩二錢半

枳實

炒

厚朴

芍藥

各二兩

大黃

四兩蒸

杏仁

去皮尖炒一兩二錢

右為末煉蜜丸梧子大每三二十丸溫水下

潤體丸

郁李仁

大黃

桂心

黑牽牛

當歸

黃柏

各半兩

輕粉少許

右為末水丸如梧子大每三四十丸溫水下

按已上二方一氣分藥一血分藥也二方故所主不同然氣血不能宣通者非此莫能療而氣虛津液不

足者慎之

神功丸

方見欬門

按此手足太陰藥也氣分之劑

滋陰之劑

拔萃六味地黄丸治下焦燥熱小便澀而數

丹溪大補丸治陰虛燥熱

方見火門

玉機微義卷十三

欽定四庫全書

玉機微義卷十四

明 徐用誠 原輯

劉 純 續增

寒門

內經敘寒氣為痛為積為嘔為泄

舉痛論云寒氣入經而稽泣經脈不行客於脈外則血少客於脈中則氣不通故卒然而痛重中於寒則痛久矣 寒氣客於小腸募原之間絡血之中血泣不得注

於大經血氣稽留不得行故宿昔而成積 寒氣客於腸胃厥逆上出故痛而嘔也 寒氣客於小腸小腸不得成聚故腹痛後泄矣

謹按篇中具寒氣客於諸脈及相引腹股等為痛甚詳宜玩本文為積

又詳見積聚門

論寒為癥瘕堅痞厥逆諸證

原病式曰諸病上下所出水液澄徹清冷下痢清白吐

痢腥穢食已不飢堅痞腹滿急痛癥瘕癰疽屈伸不便
厥逆禁固皆屬於寒

論寒為滯下泄瀉欬嗽諸證

詳見滯下等門

按已上諸論病機多屬內中於寒口食生冷所致皆
非外感證也因茲所類但以傷寒外感分例然已上
病機亦有標本不同故不復叅附詳見各門

脉法

難經曰傷寒之脈陰陽俱盛而緊瀼

傷寒論曰脈陰陽俱緊者名曰傷寒 寸口脈浮而緊
浮則為風緊則為寒 浮瀼而緊為傷寒

謹按傷寒脈及六經傳變本論已詳茲不備錄惟許
學士百證歌第一篇甚得旨要但其中二句訛舛如
脈浮而緩風傷榮浮緊兼瀼寒傷衛正與仲景脈理
差別此非許學士之不精蓋亦後人傳寫之誤也

許學士云仲景言脈大浮數動滑此名陽也沉瀼弱

弦微此名陰也脈訣以動脈為陰弦為陽何也大抵此兼衆脈而合言之也唯傷寒如此雜病各見一脈仲景之意若曰浮大者陽也兼之以動滑數之類安得不為陽沉細者陰也兼之以濇弦數之類安得不為陰故仲景論動脈則曰陽動則汗出陰動則發熱數脈見于關上上下下無頭尾如豆大厥厥動搖名曰動也又結胸證云脈浮而動浮則為風動則為痛故兼數與浮而言動脈則陽脈陽病也宜矣仲景論弦

者狀如弓弦按之不移弦則為減又曰支飲急弦又少陰證云手足寒脈弦遲故此兼遲而言弦則為陰證脈也宜矣故仲景傷寒脈不可與雜病脈同日而語也今陽證往往浮大而厥厥動搖其沈細而弦者必陰證也何疑之有哉故知治傷寒當以仲景脈法為本

脈經曰遲緊為寒 寒則緊弦 濇遲沈細為寒 脈小實而緊者病在內冷 脈沈而細下焦有寒 脈累

累而貫珠不前至有風寒在大腸 脈細小緊急病速
進在中寒為疝瘕 寸口脈遲上焦有寒脈緊急寒之實
也關脈遲胃中寒尺脈遲瀋寒在下焦 弦小者寒癖
遲而緩微而緊皆有寒也

論傷寒中寒受病不同

丹溪曰仲景論傷寒矣而未及乎中寒先哲治胃大寒
而昏用附子理中而安其議藥則得之矣曰傷曰中未
聞有議其異同之者因思傷寒有即病有不即病必大

發熱邪循經而入以漸而深中寒則倉卒感受其病即發而暴傷寒之人因其舊有鬱熱風寒外來肌腠自密鬱發為熱其初也用麻黃桂枝輩發表而安以病體不甚虛也中寒之人乘其膚腠踈豁一身受邪難分經絡無熱可發溫補自解此胃氣之大虛也傷寒熱雖甚不死中寒若不急治去生甚遠其虛實蓋可見矣

謹按仲景論傷寒至三陰病例可汗外感也韓祗和例溫中即中寒也張潔古三陰可下王海藏例可補

皆言內傷也但韓氏不直指中寒而就於陰證立便
例例可溫中之法與仲景三陰病論證不同乃別立
方意指中寒而未甚瑩故丹溪先生重明此意然皆
宜詳玩臨證合宜處治也

論陰陽虛盛惡寒與傷寒不同

內經曰陽虛則外寒者陽受氣於上焦以溫皮膚分肉
之間令寒氣在外則上焦不通上焦不通則寒氣獨留
於外故寒慄 陰盛則內寒者因厥氣上逆寒氣積於

胸中而不瀉不瀉則溫氣去寒獨留則血凝泣凝則脈不通其脈盛大以澁故中寒

按此言陰陽虛盛為寒本七情所動之致義見調經論篇皆與傷寒中寒受病不同者也

東垣曰夜則惡寒晝則安靜是陰血自旺於陰分也

夜則惡寒晝則惡寒是重陰無陽也當亟瀉其陰峻補其陽 夜則安靜晝則惡寒是陰氣上溢於陽中也

按此亦陰盛所致之本病非感寒外因也傷寒外因

三陽惡寒皆表邪未解太陰手足自溫故不惡寒少陰厥陰手足厥逆而惡寒者陰盛然也與此稍異

論陰毒

王海藏云陰毒本因腎氣虛寒因慾事或食生冷物而後傍風內既伏陰外又傷寒或先感外寒而後伏陰內外皆陰則陽氣不守遂發陰毒身重眼睛疼身體倦怠而甚熱四肢厥逆冷額上及手背冷汗不止或多煩渴精神恍惚如有所失三二日間或可起行不甚覺重診

之則六脈沈細而疾尺部短小寸口或無若服涼藥則渴轉甚躁轉急有此證者急服還陽退陰之藥則安惟補虛和氣而已宜服正元散之類陰證不宜發汗如氣正脈大身熱未差用藥發汗無妨或寸口小而尺脈微大亦同積陰感於下則微陽消於上故其候沈重四肢逆冷腹痛轉甚或喉不利或心下脹滿結硬躁渴虛汗不止或時狂言爪甲面色青黑六脈沈細而一息七至以來有此證者速宜於氣海關元二穴灸三二百壯

以手足和暖為効仍服金液丹來復丹之類隨證治之
按此言陽氣不守或積陰感於下微陽消於上遂為
陰毒與活人書論陰毒為陰氣獨盛陽氣暴絕者殊
有發明矣但言不守與消之義而又不若趙氏釋活
人書云陰氣極盛陽氣極微為陰毒陽氣極盛陰氣
極微為陽毒庶不為竭絕之證義尤明白陰盛格陽
脈附見熱門

論諸證寒熱似傷寒

詳見熱門

謹按世傳以寒痰脚氣食積勞煩四證為似傷寒然以形證較之亦豈止四證而已故集證論

詳見熱門

論傷寒傳變

此事難知云足太陽為巨陽為老陽又為諸陽之首故多傳變爾太陽傳陽明謂之微邪是水傳土也又謂之循經得度傳太陽傳少陽謂之越經傳太陽傳太陰謂

之誤下傳太陽傳少陰謂之表裏傳變之邪太陽為甚
復傳少陰水勝火火勝水此南北二方之變頃刻之間
其害人也甚於太陽多矣若辨之不早必成不救之疾
況亂投湯藥者乎太陽傳厥陰謂之首尾傳厥陰與督
脈上行與太陽相接又名巡經得度傳災變至重不為
不多矣

按此可謂發仲景之心法矣趙氏亦曰傷寒六經傳
變或虛或實或冷或熱無非邪氣之所為也有次第

傳經之陽邪有直入本經之陰邪有下後內陷之邪
皆不可不辨也然成無已引華陀云傷寒一日在皮
二日在膚三日在肌四日在胸五日在腹六日入胃
即傳裏也與成所論七日不解為再經二七日不解
為過經皆大約也故一無治例惟六經傳變為的故
太陽傳變居多者因其初感邪氣乘虛而入則傳也
有三五日止在本經或十數日不傳者有之有傳過
一經而不再傳者亦有之有悞服藥而致傳變者多

矣大抵邪在陽經則易治傳入陰分則危殆蓋陽微陰盛正虛邪實矣況誤下內陷汗虛別經者則壞異傾危可立待也學者慎之

論傷寒只傳足經不傳手經

發明曰傷寒受病之由皆出熱論一篇而已皆傳足經不傳手經何也蓋傷寒病冬月得之足太陽膀胱經為首次至足厥陰肝經為尾此病惟傷北方與東方及戌土上有足陽明胃濕之專位兼丑上有足太陰脾土之

專位蓋足之六經皆在東北之方經云冬傷於寒即發者為傷寒春發為溫病夏發為暑疫為病最重此之謂也仲景云無奇經則無傷寒緣奇經皆附足六經不附手經寒邪只傷足經者為有奇經故也長夏為大熱病者夏火既王火之方與秋之分皆手經居之水方與春之分皆足經不足及夏火王客邪助于手經則不足者愈不足矣故所用之藥皆泄有餘而非足經藥何者泄有餘則不足者補矣此傷寒只先足經而不言手經也大

大意如此至於傳手經者亦有之矣

論傷寒傳手經

此事難知曰傷寒傳至五六日間漸變神昏不語或睡中獨語一二句目赤唇焦舌乾不飲水稀粥與之則嚙終日不與則不思六脈細數而不洪大心下不痞腹中不滿大小便如常或傳至十日以來形貌如醉人虛見神昏不已多用承氣湯下之則誤矣蓋不知此熱傳手少陰心經也然而又未知自何經而來答曰本太陽經

傷風風為陽邪陽邪傷衛陰血自燥熱畜膀胱壬病逆傳於丙丙丁兄妹由是傳心心火自上迫而熏肺所以神昏也謂肺為清虛之藏內有火邪致令神昏宜梔子黃芩黃連湯若脈在丙者導赤散脈在丁者瀉心湯若誤用涼膈散乃氣中之血藥也在左手寸脈沈滑有力者則可用之或用犀角地黃湯近於是也本方所說若無犀角以升麻代之是陽明經藥也此解陽明經血中熱藥若脈浮沈俱有力者是丙丁中俱有熱也可以導

赤瀉心各半服之則宜矣此證膀胱傳丙足傳手經也
下傳上也丙傳丁也表傳裏也壬傳丁者艮傳離也越
經傳也又謂腑傳臟也活人云傷寒只傳足經不傳手
經此言不盡意也有從足經而傳手經者何以知之經
云傳寒或止傳一經或間傳三經不可一途而取之但
憑其脈與外證治之此活法也與食則嘔者邪不在胃
也不與則不患者以其神昏故熱邪既不在胃誤與承
氣湯下之其死也必矣

謹按傷寒本只傳足經已上又例傳手經之義可謂
發病機之秘矣蓋只是邪蘊日久因足經實手經虛
故冤熱爾有因汗下差悞而傳有因七情或勞倦等
而致者有之大抵傳于經必有所因所以古人有救
逆復脈等法豈但切中病情實啓後人之意例爾

論傷寒陰分發熱為反用溫汗法

趙嗣真曰詳仲景論發汗湯劑各分輕重不同如麻黃
桂枝青龍各半越婢等湯各有等差至於少陰發汗二

湯雖同用麻黃附子亦自有輕重加減之別故以加細辛為重加甘草為輕辛散甘緩之義也其第一證以少陰本無熱此發熱故曰反也蓋發熱為邪在表而當汗又兼脈沈屬陰而當溫故以附子溫經麻黃散寒而熱須汗解故加細辛是汗劑之重者第一證既無裏寒之可溫又無裏熱之可下求其所用麻黃附子之意則是脈亦沈方可名曰少陰病身亦發熱方可行發表藥又得之二三日病氣尚淺比之前證亦稍輕故不重言脈

證而但曰微發汗所以去細辛加甘草是汗劑之輕者
向使脈不沈身不熱又無他證則是無病人也又何藥
焉仲景本分作兩證以別汗劑之輕重活人書却於第
二證中除去無證兩字改作常見少陰熱陽證者所謂
少陰熱陽証如經云心中煩不得卧或咽瘡聲不出
者或欬而嘔渴或口燥咽乾或腹脹不大便數證皆是
也夫豈麻黃附子甘草湯發汗劑所可治耶抑又有聞
焉麻黃附子細辛湯為治少陰病之脈沈反發熱者固

也而仲景又有四逆湯治太陽病之發熱反脈沈者均謂之反也仲景云病發熱頭疼脈反沈若不差身體頭疼痛者當救其裏宜四逆湯此證出太陽篇又云少陰病始得之反發熱脈沈者麻黃附子細辛湯此證出少陰篇切詳太陽病發熱頭痛法當脈浮今反沈少陰脈沈法當無熱今反熱仲景於此兩證各言反者謂反常也蓋是太陽病脈似少陰少陰病證似太陽所以謂之反而治之異也今深究其旨均是脈沈發熱以其有頭

痛故為太陽病陽證當脈浮今反不能浮者以裏虛久
寒正氣裏微所致又身體疼痛故宜救裏使正氣內強
通邪出外而乾薑生附亦能出汗而解假使裏不虛寒
則當見脈浮而正屬太陽麻黃湯證也均是脈沈發熱
以其無頭痛故名少陰病陰病常無熱今反寒邪在表
未傳在裏但皮腠鬱閉而為熱而在裏無病故用麻黃
細辛以發表邪之熱附子以溫少陰之經假使寒邪入
裏則外必無熱當見吐利厥逆等證而屬正少陰四逆

湯證也由此觀之表邪浮淺發熱之反猶輕正氣衰微脈沈之反為重此四逆湯為劑不為不重於麻黃附子細辛湯也又可見熟附配麻黃發中有補生附配乾薑補中有發仲景之旨微矣嗟夫常病用常法夫誰不知設有證變者或脈變者往往疑似參差亦欲以常法例治之惑矣如仲景所論太陽少陰兩證脈沈發熱雖同而受病與用藥自別此實證治之奇異醫法之玄微故併及之

謹按傷寒六經證仲景例表裏六經藥矣而又於每
經表藥中分脈證輕重而用藥如此實萬世無窮之
惠也然歷世而下得此意例之妙者能幾人哉但近
世習俗不求其意托時世風土之異或例用氣藥以
治傷寒表邪逆悞多矣況裏證乎論見後發表諸方
下

論傷寒兩感

王海藏曰天之邪氣感則害人五臟以是知內外兩感

臟腑俱病欲表之則有裏欲下之則有表表裏既不能
一治故云兩感者不治然所稟有虛實所感有淺深虛
而感之深者必死實而感之淺者猶可治治之而不救
者有矣未有不治而獲生者矣余嘗用大羌活湯間有
生者十得二三故立此以待好生君子用之

按本方治法見後

趙嗣真曰仲景論兩感為必死之證而復以治有先後
發表攻裏之說繼之者蓋不忍坐視而欲覲其萬一之

可活也活人書云宜救裏以四逆湯後救表以桂枝湯
殊不知仲景云太陽與少陰俱病則頭痛為太陽邪盛
於表口乾而渴為少陰邪盛於裏也陽明與太陰俱病
則身熱譫語為陽明邪盛於表不欲食腹滿為太陰邪
盛於裏也少陽與厥陰俱病則耳聾為少陽邪盛於表
囊縮而厥為厥陰邪盛於裏也三陽之頭痛身熱耳聾
救表已自不可三陰之腹滿口乾渴縮囊而厥不下可
乎活人書引下痢身疼痛虛寒救裏之例而欲施於煩

渴腹滿譫語囊縮熱實之證然乎否乎蓋仲景所謂發表者葛根麻黃是也所謂攻裏者調胃承氣是也活人書所謂救裏則是四逆救表則是桂枝今以救為攻豈不相背若用四逆湯是以火濟火而腹滿譫語囊縮等證何由而除臟腑何由而通榮衛何由而行而六日死者可立而待也吁兩感雖為不治之證矣然用藥之法助正除邪虛實虛補不足損有餘之理學者不可不素有一定之法於胸中也

傷寒合病併病論

趙嗣真曰愚嘗疑合病與併病之為難明也久矣因姑釋之蓋合病者二陽經或三陽經同受病病之不傳者也併病者一陽經先病又過一經病之傳者也且如太陽陽明併病一證若併而未盡是傳未過尚有表證仲景所謂太陽證罷潮熱手足汗出大便硬而譫語躁短氣是也猶當汗之以各半湯若併之已盡是為傳過仲景所謂太陽證罷潮熱手足汗出大便硬而譫語

者是也法當下之以承氣湯是知傳則入腑不傳則不入腑所以仲景論太陽陽明合病止出三證如前於太陽陽明併病則言其有傳受如此也又三陽經互相合病皆曰下利仲景於太陽陽明合病則主以葛根湯太陽少陽合病主以黃芩湯少陽陽明合病主以承氣湯至於太陽少陽併病其證頭項強痛眩悶如結胸心下痞鞭當刺大椎肺俞肝俞不可汗下太陽陽明併病已見上論但三陽合病仲景無背惡寒語句雖別有口燥

渴心煩背微惡寒者乃屬太陽證而非三陽合病也三陽若與三陰合病即是兩感所以三陰無合病例也

按三陽合病證治見傷寒論陽明例篇

傷寒變溫熱病論

趙嗣真曰按仲景論謂冬月冒寒伏藏於肌膚而未即病因春溫氣所變則為熱夫變者改易之義也至此則伏寒各隨春夏之氣改變為溫為熱既變之後不得復言其為寒也所以仲景云溫病不惡寒者其理可見矣

活人書却於溫病曰陽熱未盛為寒所制豈有伏寒既已變而為溫尚可言寒能制其陽熱耶又於熱病曰陽熱已盛寒不能制亦不當復言其為寒也蓋是春夏陽熱已變其伏寒即非有寒不能制其陽熱爾外有寒能折陽氣者乃是時行寒疫仲景所謂春分以後秋分節前天有暴寒為時行寒疫也三月四月其時陽氣尚弱為寒所折病熱則輕五月六月陽氣已盛為寒所折病熱則重七月八月陽氣已衰為寒所折病熱亦微是知

時行寒疫與溫熱二病所論陽氣盛衰時月則同至於論暴寒之寒與伏寒已變之寒自是相違名不正則言不順矣仲景又云其病與溫及暑病相似但治有殊者要在辨其病源寒熱溫三者之殊則用藥冷熱之品味判然矣

謹按王安道傷寒立法考曰讀仲景書當求其立法之意不然則疑信相雜未免通此而礙彼也夫傷寒有即病者則為傷寒不即病者則謂之溫與暑焉其

類雖殊其所受之源則不殊也夫仲景之書三陰經
寒證居熱證十之七八彼不即病之溫暑但一於熱
耳何由而為寒哉就三陰寒證而詳味之然後知予
言之不妄或謂三陰經寒證本是雜病為王叔和增
入其中又或謂其證之寒蓋由寒藥誤治而致若此
者非也夫叔和之增入者辨脈平脈與可汗可下等
諸篇而已其六經病篇必非叔和所能贊辭也但厥
陰經中下痢嘔噦諸條却是叔和因其有厥逆而附

遂併無厭逆而同類者亦附之耳至若以藥誤治而成變證則為太陽為多縱使三陰證亦或有寒藥誤治而變寒者然豈應如是之衆乎夫惟後人以仲景書通為傷寒溫暑者設遂致諸溫劑皆疑之而不敢用韓祗和雖覺桂枝湯之難用但謂今昔之世不同然未悟仲景書本為即病之傷寒設也且其著微旨一書又純以溫暑作傷寒立論而即病之傷寒反不言及此已是捨本從末全不能窺仲景藩籬又以夏

至前胸膈悶嘔逆氣塞腸鳴腹痛身體拘急手足逆冷等證視為傷寒謂與仲景三陰證脈理同而證不同遂別立溫中法以治以予觀之其胸膈滿悶嘔逆氣塞等證既與仲景所叙三陰證不同則是內傷雜病豈溫暑病乎況仲景所叙三陰證求對於春夏溫暑之病不亦愴乎雖然祇和時內傷之理未明而又適當溫暑病作之際其為感也固宜若非內傷雜病則不止暴寒所中之病也且但曰寒而當溫然未嘗

求其所以為寒之故也能求其故則知溫暑本無寒證其為寒證者皆內傷雜病與暴寒所中也至於劉守真出亦以溫暑作傷寒立論而遺即病之傷寒其所處辛涼解散之劑固為昧者有中風傷寒錯治之失而立蓋亦不無桂枝麻黃難用之惑也既於此則無由悟夫仲景立桂枝麻黃湯之有所主用桂枝麻黃湯之有其時矣故原病式曰夏熱用桂枝麻黃之類熱藥發表須加寒藥不然則熱甚發黃或出斑矣

殊不知仲景主桂枝麻黃湯本不欲用於夏月之時
矣苟悟夫桂枝麻黃本非溫暑之劑則羣疑冰泮矣
何也夫寒之初客於表也開腠理鬱陽氣而為熱故
非辛溫之藥不能開腠理以泄其熱此麻黃湯之所
由立也至於風邪傷表雖反疎腠理而不閉然邪既
客表則表之正氣受傷而不能流通故亦發熱也必
以辛甘溫之藥發其邪則邪去而腠理自密矣此桂
枝湯之所由立也其所以不加寒藥者蓋由寒風在

表又當天令寒冷之時而無所避故也後人不知仲
景立法之意故有感於桂枝麻黃之熱有犯於春夏
之司氣而不敢用於是有須加寒藥之論夫欲加寒
藥於桂枝麻黃之中此乃不悟其所以然故如此耳
若仲景為溫暑立方必不如此必別有法但惜其遺
帙不傳致使後人有多岐之患若知仲景傷寒論專
為即病傷寒作則知麻黃桂枝所宜用之故除傳經
熱病之外其直傷陰經與太陽不鬱熱即傳陰經諸

寒證皆有所歸著而不復疑為藥寒誤下而生矣若
春夏有惡風惡寒有汗無汗之證蓋春夏暴中風寒
之新病非冬時受傷過時而發者不然則或是溫暑
將發而復感於風寒或因感風寒而動乎久鬱之熱
遂發溫暑也仲景曰太陽證發熱而渴不惡寒者為
溫病觀此則知溫病不當惡寒而當渴其惡寒而不
渴者非溫病矣仲景雖不言暑病然暑病與溫病同
但復過一時而加重於溫病矣其不惡寒而渴則無

異也春夏雖有惡寒惡風表證其桂枝麻黃二湯終
難輕用勿泥於發表不遠熱之語也於是而用辛涼
解散庶為得宜苟不慎而驟用之誠不能免夫狂躁
斑黃衄血之變而亦無功也雖或者行桂枝麻黃於
春夏而效乃是因其辛散之力而偶中於萬一斷不
可視為常道而守之後人以通解散百解散之類不
問四時中風傷寒一例施之雖非至正之道然較之
不慎而輕用麻黃桂枝以致變者則反庶幾矣若夫

仲景於三陰經每用溫藥亦由病之所必須與用之
有其時耳若槩以三陰寒證視為雜病而外之得無
負於仲景濟人利物之至仁而誤後世乎自先覺不
示傷寒溫暑異治之端緒但一以寒涼為主而諸溫
熱之劑悉在所畧致使後之學者視仲景書欲仗焉
而不敢以終決欲棄焉則猶以為立法之祖而不能
外也能明夫仲景本為即病者設法則桂枝麻黃未
必難用諸溫熱之劑未必可畧矣若謂仲景法不獨

為即病者設則凡時行及寒疫溫瘧風溫等證亦通
似傷寒六經病諸方治之乎故仲景曰冬溫之毒與
傷寒大異為治不同又曰寒疫與溫病及暑病相似
但治有殊耳是知溫暑及時行寒疫溫瘧風溫等病
必別有治法今不見者亡之也觀其所謂為治不同
所謂溫瘧風溫溫毒溫疫脈之變證方治如說之語
豈非有法而亡之乎決不可以傷寒六經病諸方通
治也夫素問謂人傷於寒為病熱者言常而不言變

也仲景謂或寒或熱而不一者備常與變而弗遺也
仲景緊言古人之所未言大有功於古人者雖欲偏
廢可乎

按右說與前論互有發明皆甚有功於仲景矣然傷
寒卒病與夫時行寒疫但在脈證相符而治之何以
能致變逆也夫審傷寒雜病脈異則所用辛溫辛涼
之劑判然矣大抵於既傳之後變異多端豈無實肖
雜證者故仲景叔和論次雖例有混淆而證因標本

不同治則權變不一證例多同而治療有殊故不能
不使人致疑也人能求其意合而歸一以觀之則證
例自定證定則治法不差矣但要將經論熟讀玩味
有疑處兼看別書如趙氏為活人書釋疑曰活人書
之可疑者甚多仲景論亦有可疑者如白虎湯仲景
既云表不解者不可與而白虎加人參湯證一曰惡
風一曰惡寒豈非表不解而復用白虎何耶蓋惡風
曰微則但見於背而不至甚於惡風曰時時則時或

乍寒而不常是表證已輕非若前證脈浮發熱無汗
全不解者加之太熱大渴所以用白虎而無疑也又
曰仲景論太陽病得之八九日如瘧狀發熱惡寒熱
多寒少其人不嘔清便欲自可一日二三度發脈微
緩者為欲愈若脈微而惡寒者此陰陽俱虛不可更
發汗更下更吐也面色反有熱色者未欲解也以其
不能得小汗出身必痒宜桂枝麻黃各半湯仲景之
意蓋以得病八九日如瘧狀發熱惡寒熱多寒少十

六字為自初至今之證以下文乃是已後擬病防變之辭當分作三截看若其人不嘔清便欲自可一日二三度發脈浮緩為欲愈此一節乃裏和無病而脈微者邪氣微緩也陰陽同等脈證皆向安之兆可不
大汗而欲自愈若脈微而惡寒者此陰陽俱虛不可更發汗更下更吐之此節宜溫之若面色反有熱色者未欲解也以其不能得少汗出其身必痒宜各半湯此一節必待汗而後愈也活人書不詳文意却將

其人不嘔清便欲自可九字本是欲愈之證反以他證各半湯汗之又將不可汗吐下證及各半湯證語句並脫畧而不言取此證而用彼藥汗其所不當汗何也若是可見仲景文法多如此學者必須反復詳玩熟觀其意其例自見則治不差矣故趙氏嘗曰仲景之書一字不同則治法霄壤讀之者可不於片言隻字以求其意歟幸相與勉焉

論傷寒雜病分二科

王海藏云世之治傷寒有法療雜病有方是則是矣然猶未也吾謂治雜病亦有法療傷寒亦有方方即法也法即方也豈有異乎要當全識部分經絡表裏臟腑豈有二哉以其後世才智之不及古也所以分傷寒雜病為二門故有長於此而短於彼者亦有長於彼而短於此者逮夫國家取士分科為七宜乎愈學而愈陋愈專而愈粗也試以傷寒雜病二科論之傷寒從外而之內者法當先治外而後治內雜病從內而之外者法當先

治內而後治外至於中外不相及則治主病其方法一也亦何必分之為二哉大抵雜病之外不離乎表傷寒之內不離乎裏表則汗裏則下中則和不易之法也劑之寒熱溫涼在其中矣餘風產二條目疾瘡腫小兒等科各自專門無怪其工之陋且粗也是以知證不知脈知藥不知源是豈真知而全識哉耳熟目厭習壞多經涉久誤合則病愈不契則疾甚所嘗見所嘗聞者粗有曉會其所未嘗見未嘗聞者則有所不知也此繼述而

不及菽物者遠矣嗚呼天之所錫其智識有限量故耶
哀哉庸夫以衣食迫以口舌爭視學業如仇讐專妬忌
為能幹悞人性命恬不知恤甘為忍人不顧陰理其教
之有所失耶時世之有所俾然耶抑疾者之不幸而有
所自致耶

謹按漢張仲景推充內經傷寒脈證論例立法雖因
證傳變而不離即病之傷寒也至宋之季有托時世
之異乃別立方用參蘇藿香正氣之類而遺即病之

傷寒使世俗因之往往失仲景意況與雜病分二科專傷寒者尚不能備曉其通變主雜病者而不能遍識其彷彿宜乎其教之乖悞為疾之不幸使人不能無憾恨也噫仲景推充內經大法可謂無窮之惠人猶不知其例三百餘法備即病傷寒之傳變宋醫所論為時氣變法非真傷寒也故其方不多且病從外而之內者不離乎風寒暑濕其間傳變者餘傷寒皆輕從內而之外者不離乎內傷七情其間壞異者非

傷寒之重故有輕重不同因分二科大抵學者要於
診候之際辨內外之感傷寒表裏之輕重雜病傷寒
脈證所異傷寒雜病治法不殊不殊者雜病之外不
離乎表傷寒之內不離乎裏所異者傷寒從外而之
內雜病從內而之外外感法仲景內傷法東垣六氣
推充乎劉張雜病融會乎諸氏萬法歸吾一心一心
貫乎萬法不致得此而失彼為二科之分遺乎世之
譏誚也

寒証治法

發表之劑

麻黃湯治傷寒惡風寒發熱身疼無汗

麻黃

六錢

桂枝

四錢

甘草

炙二錢

杏仁

二十箇

右㕮咀水煎如法服

按此太陽經藥也

葛根湯治傷寒惡寒項背強几几無汗惡風或下利

葛根

四錢

麻黃

生薑

各三錢

桂枝

芍藥

各二錢

甘草

炙二錢

大棗

三枚

右咬咀水煎如法服之

按此出太陽例陽明藥也

柴胡桂枝湯治傷寒發熱潮熱脈弦自汗或渴或利

桂枝

二錢

黃芩

人參

白芍

各一錢半

甘草

炙一錢

半夏

一錢

生薑

一錢

柴胡

四錢

大棗

二枚

右咬咀水煎服

按此出太陽例少陽經藥也

桂枝湯治傷風寒發熱自汗鼻鳴乾嘔者

桂枝

白芍

生薑

各三錢

甘草

炙二錢

大棗

二枚

右㕮咀水煎如法服

按此出太陽例太陰經藥也

麻黃附子細辛湯治感寒脈沈或微細反發熱或但欲

寐者

麻黃

細辛

各四錢

附子

炮二錢半

右㕮咀水煎

按此少陰經藥也

當歸四逆湯治感寒手足厥冷脈細欲絕者

當歸

桂枝

白芍

細辛

各三錢

大棗

三枚

甘草

炙

通草

各二錢

右㕮咀水煎

按此厥陰經藥也已上六經治寒之例隨脈證加減

變法自有仲景論例茲不詳錄

桂枝麻黃各半湯治傷寒見風脈發熱自汗或無汗

桂枝 二錢

白芍

生薑

甘草 炙

麻黃

各一錢半

大棗

二枚

杏仁

十二箇

右㕮咀水煎

按此足太陽手足太陰手少陰經藥出太陽例治風寒之劑也夫仲景論已上六經藥然其中有發表解肌溫經不同蓋風寒有淺深榮衛有虛實故也學者

審此則用藥湯液之源可得而悉又表裏變悞詳見
小兒門葛根升麻湯下

謹按傷寒與夫時行寒疫皆宜從仲景已上法然立
春已後立秋已前非有時行暴寒而致病者宜從韓
祗和法較脈證治之元戎云韓氏十四藥以經絡求
之各有部分輕重緩急自有所宜運氣加臨各極其
當因時在其中矣不必分至之遠近寒暑之盛衰而
謂之因時也但方世俗罕用今附入濕門

海藏云韓氏微旨可汗一篇有和解因時法言傷寒之脈頭小尾大傷風之脈頭大尾小李思訓保命新書亦分寸尺與韓氏同非若前人總言尺寸脈俱浮而緊尺寸脈俱浮而緩緊則為傷寒無汗緩則為傷風自汗又有傷寒有汗者有傷風無汗者脈亦互差與證不同前人已盡之矣惟韓李所言頭小尾大即為傷寒尾小頭大即為傷風也人病間有脈證只顯于尺寸者故韓李述為和解因時法也又恐後人疑

其不與前聖合遂于本方藥內又立加減數條亦不
越前人之意何其當哉兼二公者當宋之盛時故又
戒桂枝麻黃不可輕用改用石膏升麻葛根柴胡之
平劑當時則可非百代常行時世遷移之活法也可
汗一篇若從湯液隨證應見自有定規雖明哲不可
踰

易簡參蘇飲治感冒風邪發熱頭疼痰欬

方見熱門

局方十神湯治時氣瘟疫兩感風寒

川芎

甘草

麻黃

各四錢

乾葛

一兩四錢

紫蘇

升麻

白芍

白芷

陳皮

香附

各四錢

右咀入薑煎每服半兩或一兩

藿香正氣散治傷寒頭痛增寒壯熱

大腹皮

白芷

茯苓

紫蘇

藿香

各三錢

厚朴

製

白朮

陳皮

苦梗

半夏

各二錢

甘草

炙二錢半

右㕮咀每五錢入薑棗煎

按已上三方今世俗多用之治傷寒故收入然傷寒之病表裏六經仲景言在三陰則可汗傳三陰則宜下此大畧言之爾於陽明則又可下少陰則又可汗一經病則有一經表裏藥病居太陽所禁居多在少陽有三禁陽明有二禁三陰非胃實不可下之類併病用刺法是各有其故者蓋恐反致逆而成壞證之

戒也至宋之時治傷寒者有變仲景法製已上諸方緣其承平日久民食用之志樂形逸病居疑似之間本因氣逸經滯乃用其法然其間豈全捨仲景之法哉金時劉守真製防風通聖散亦是變法義見中風例中當遇是證則必施是治可也然於傷寒不辨邪於某經深求仲景意例當汗之可設妄以此施治則先虛正氣逆其經絡得汗不解復不求經救逆亂投湯劑其致危殆也必矣是則宋醫處方皆平人氣而

不平時氣因於人用藥而不先平時因於時用藥而不先乎人其理得於人事天和之中其意得於不傳之妙離經取法固不離於經專方治病病固不可以專於方然亦未易可為格例也以待後之明者而正之

溫中之劑

真武湯治傷寒腹痛小便不利四肢沉重疼痛下痢

茯苓

白芍

生薑

各三錢

白朮

二錢

附子 一錢半

右咬咀水煎

附子湯治感寒身體痛手足寒骨節疼惡寒脈沈弱

附子

人參 各二錢

茯苓

白芍

各二錢

白朮 四錢

右咬咀水煎

按此二方少陰例藥也治寒濕之劑

理中湯

人參

白朮

乾薑

甘草

炙各等分

右咬咀水煎

韓氏溫中湯

丁皮

厚朴

各一兩

乾薑

白朮

陳皮

丁香

各二錢

右為末每服二錢入葱白荊芥穗煎

按韓祗和云凡病人兩手脈沈遲或緊皆是胃中寒也若寸脈短小及力小於關尺者此陰盛陽虛也或

胸膈滿悶腹中脹滿身體拘急手足逆冷急宜溫之
然寒盛體虛者宜從少陰例此止可作溫中藥姑存
之

海藏黃芪湯

人參

黃芪

茯苓

白朮

白芍

各一兩

甘草

炙七錢半

乾薑

陳皮

藿香

各半兩

右㕮咀入生薑煎

按已上三方出理中例法也

寶鑑鐵刷湯治寒積上焦嘔吐不止痰飲胸膈不快食

不下

半夏

四錢

草豆蔻

丁香

乾薑

炮

訶子皮

各三錢

生薑

一兩

右散作三服水煎

附子理中丸治中焦有寒腹痛或感寒頭痛發熱惡寒

腹痛不飲水

理中湯 三兩 附子 一枚

右為末蜜丸如雞黃大每一丸溫湯化下

元戎苦楝丸治下焦有寒積小腹急痛奔豚等證

川苦楝

茴香

附子

各一兩三味酒煮乾再焙

玄胡

半兩

全蝎

十八箇炒

丁香

十八箇

右為末酒糊丸梧子大每五十九丸食前當歸湯下

按已上諸方治寒積或食寒物等致者雖分三焦等

用則不離乎溫中法也然寒冷之物停蓄於中則當

溫劑下之者又不必拘此如氣分寒宜仲景桂枝附子湯選用血分寒宜當歸四逆湯之類要在臨時通變可也

發表溫中之劑

小青龍湯治感寒發熱頭疼脈沈細或嘔或欬或利或噎或小便不利少腹滿或喘

麻黃

白芍

乾薑

甘草

炙

細辛

桂枝

各二錢

五味子

半夏

各一錢半

附子

炮二錢脈浮不用

右呿咀水煎

海藏肉桂散治傷寒服冷藥過度心腹脹滿四肢逆冷
昏沈不識人變為陰毒惡證

肉桂

三錢

白芍

陳皮

前胡

當歸

附子

炮

人參

各一兩

白朮

木香

厚朴

炒

良薑

各三錢

吳茱萸

半兩

右為粗末每服五錢入棗三枚水煎

天雄散治陰毒傷寒身重背強腹中疝痛咽喉不利毒氣攻心心下堅強短氣嘔逆唇青面黑四肢厥逆其脈沈細而厥

天雄

一兩炮
去皮

麻黃

當歸

白朮

半夏

各半兩

川椒 一錢

肉桂

厚朴

各一兩

生薑

陳皮 各二錢

右為粗末每五錢入生薑棗煎取汁

按已上二方表裏氣血藥也出太陽例兼看後兩感

法

發表攻下之劑

桂枝加大黃湯治寒邪傳裏為大滿大實痛關脈實者

桂枝

生薑

各三錢

白芍

四錢

甘草

二錢半炙

大黃

一錢

大棗

二枚

右咬咀水煎

按此太陽例藥也邪雖已傳寒未變熱故用此攻下然既傳之後邪已變熱而用和解下熱諸法則不用

溫劑矣故大柴胡等湯詳見熱門及本論例茲不備錄

和解之劑

柴胡薑桂湯治寒熱自汗

方見熱門

小柴胡湯治傷寒潮熱而嘔

按此並少陽例藥也

黃連湯治傷寒胸中有熱胃中有邪氣腹痛欲嘔吐者

黃連

甘草

炙

乾薑

桂枝

各二錢

人參

半夏

各一錢半

大棗

二枚

右咬咀水煎

按此出太陽例藥也與已上三方解表裏中上陰陽交錯之劑傷寒論此法甚多宜隨證選用

解兩感之劑

海藏大羌活湯

羌活

獨活

防已

防風

黃芩

黃連

蒼朮

白朮

甘草

炙

川芎

細辛

各三錢

知母

生地黃

各一兩

右㕮咀每半兩水煎熱服未解再服一二劑若有餘
證並依仲景法

按此出太陽例藥也然傷寒兩感亦有兼風兼濕不
同或表裏俱虛俱實之異保命集云兩感可治者感
異氣也使表中於風內傷於寒可治者宜加味小青

龍湯表熱內寒宜和解之此方宜治表中於風內有
熱者則表濕裏寒表寒裏濕表裏證俱見者宜擴充
也大抵兩感多表裏俱虛是以易老曰當切脈逆從
知其吉凶兩感之邪三陰三陽皆有之脈從陽可治
從陰難治陽生陰死之謂也

陰毒外接法

迴生神膏治陰毒傷寒

牡蠣

煉粉

乾薑等分

右為末男病用女唾調手內擦熱緊掩二卵上得汗
出愈女病用男唾調掩二乳取汗

代灸塗臍膏

附子

馬蘭子

蛇床子

木香

肉桂

吳茱萸

右六味等分為末用白麴相和生薑汁濃成膏紙上
圓三寸許貼臍下關元氣海自晚至曉貼之

陰毒傷寒四肢逆者

吳茱萸

不拘多少

右為末溫酒和勻生絹袋盛之熱熨脚心令通暢愈
若以為湯煎洗接四肢亦可

灰包熨法治下焦積寒冷上焦陽盛更難投溫藥者用
灰二三升許入好醋拌和乾濕得所銚內炒令灰熱
以帛包裹臍下熨之頻換灰包令常熱以腹不滿
痛為度如得利三兩行或小便行或微似有汗此陰
氣外出也

灸法

附灸法論

氣海穴在臍下一寸五分治陰厥脈微絕者

石關一穴在臍下二寸

闕元一穴在臍下三寸治臟結不可攻者及陰汗不止

腹脹腸鳴面黑指甲青者宜灸百壯

陽陵泉二穴在膝下一寸潔古曰煩滿囊縮宜灸此

太谿二穴在足內踝後跟骨上動脈陷中灸七壯治少

陰吐利手足不冷反熱脈不至者

按傷寒灸穴詳見資生經故不備錄大抵不可刺者
宜灸之一則沈寒痼冷二則無脈知陽絕也三則腹
皮急而陽陷也捨此三者餘皆不可灸蓋恐致逆也
今附灸法于左

醫學發明曰鍼經云陷下則灸之天地間無他惟陰
與陽二氣而已陽在外在上陰在內在下今言陷下
者陽氣下陷入陰血之中是陰反居其上而覆其陽
脈證俱見寒在外者則灸之異法方宜論云北方之

人宜灸燭也為冬寒大旺伏陽在內皆宜灸之以至
理論則腎主臟藏陽氣在內冬三月主閉藏是也若
太過則病固宜灸燭此陽明陷入陰水之中是也難
經云熱病在內取會之氣穴為陽陷入陰中取陽氣
通天之竅穴以火引火而導之此宜灸燭也若將有
病者一槩灸之豈不誤哉仲景云微數之脈慎不可
灸因火為邪則為煩逆追虛逐實血散脈中火氣雖
微內攻有力焦骨傷筋血難復也又云脈浮宜以汗

解用火灸之邪無從出因火而盛病從腰以下必重而痺名火逆也脈浮熱甚而灸之此為實實而虛治因火而動必咽燥唾血又云身之穴三百六十有五其三十穴灸之有害七十九穴刺之為災并中髓也仲景傷寒例

按明堂鍼經各條下所說禁忌明矣內經云脈之所見邪之所在脈沈者邪氣在內脈浮者邪氣在表世醫只知脈之說不知病證之禁忌若表見寒證身汗

出身常清數慄而寒不渴欲覆厚衣常惡寒手足厥
皮膚乾枯其脈必沈細而遲但有一二證皆宜灸之
陽氣下陷故也若身熱惡熱時見燥作或面赤面黃
咽乾嗌乾口乾舌上黃赤渴咽嗌痛皆熱在外也但
有一二證皆不宜灸其脈必浮數或但數而不浮不
可灸灸之災害立生若有鼻不聞香臭鼻流清涕眼
脗時痒或欠或嚏惡寒其脈必沈是脈證相應也或
輕手得弦緊者是陰伏其陽也雖面赤宜灸之不可

拘於面赤色而禁之也

附虛寒溫經諸方

補肝散治肝臟氣虛視物不明兩脇脹滿筋脈拘急面
色青小腹痛

山茱萸

當歸

五味子

山藥

黃芪

川芎

木瓜

各半兩

乾地黃

白朮

各一錢

獨活

酸棗仁

各四銖

右末每二錢七以水煎入棗一枚

茯神湯治膽氣虛冷頭痛目眩心神恐懼不能獨處胸

中滿悶

茯神

酸棗仁炒去殼

黃芪

白芍

五味子

柏子仁各一兩桂心

熟地黃

人參

甘草各半兩

右㕮咀每四錢半入薑煎

補心丸治本臟虛冷善恐怖如魘狀及女人產後中寒

腹痛月水不調

當歸

川芎

白芍

甘草

附子

防風

桂心

細辛

乾薑

蜀椒

厚朴

半夏

大黃

猪苓

各一兩

茯苓

遠志

各二兩

右末蜜丸如梧子大酒服五七九日三加至十丸

枳附丸治小腸虛冷小腹疼小便頻而清白

枳紅

炒

桑螵蛸

炙

龍骨

山茱萸

附子

炮

鹿茸

酒蒸焙

右等分為末酒糊丸梧子大每六十九空心鹽湯下
檳榔散治脾寒飲食不消勞倦氣脹噫滿憂恚不樂

檳榔

八箇

人參

茯苓

陳麴

麥蘖

吳茱萸

厚朴

白朮

各二兩

陳皮

一兩半

右末食後酒服方寸匕日二次

進食散治胃氣虛冷或食生冷或飲食不節胸膈痞塞
腹脹急脩不思食惡心瀉泄

半夏麴

肉豆蔻煨

草果仁

高良姜

麥麴炒

附子炮

丁香

厚朴

陳皮

人參

青皮

甘草炙半兩

右咬咀每四錢入薑棗煎

白石英湯治肺氣虛弱惡寒欬嗽鼻流清涕喘息氣微者

白石英

細辛

五味子

陳皮

鍾乳粉

阿膠

蛤粉

桂心

人參

甘草

錢炙各五

紫苑

一兩

右咬咀每四錢入薑煎

訶梨勒丸治大腸虛冷腸鳴泄瀉腹脇氣痛飲食不化

訶子

附子

肉豆蔻

木香

吳茱萸

龍骨

茯苓

畢撥

錢各二

右末薑汁糊丸梧子大每四五十丸空心米湯下

十補丸治腎臟虛弱面色黎黑足冷足腫耳鳴耳聾肢體羸瘦足膝軟弱小便不利或多或少腰脊疼痛

附子

炮

五味子

各一兩

山茱萸肉

山藥

牡丹皮

鹿茸

製

桂心

茯苓

澤瀉

各一兩

右為末煉蜜丸梧子大每六七十丸空心鹽湯下

韭子丸治膀胱虛冷小便白濁滑數日夜無度

赤石脂

煨

韭子

炒

牛膝

酒浸

牡蠣

煨

附子

炮

覆盆子

酒浸

桑螵蛸

鹿茸

製

龍骨

肉苁蓉

各一兩

雞肫脰


燒灰

沈香

各五錢

右為末酒糊丸梧子大每六七十丸空心鹽湯下

按已上諸方並出五臟治要例



玉機微義卷十四